

T2516/2249(7)

CHINESE - JAPANESE LIBRARY

HARVARD - YENCHING INSTITUTE

HARVARD UNIVERSITY

JAN 10 1941

CM	0	1	2	3	4	5	6	7	8	9	10	11	12	13	14	15	16	17
Lab D50 2	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

Harvard College Library Imaging Services <http://imaging.harvard.edu>

通鑑全史彙編歷朝傳統錄卷之七



長洲 徐燇禧綏



吳郡 劉 綦履公 纂輯 更名炳晨

休寧 程維培載翼 較訂

附唐末十國

吳

楊行密字化源廬州合肥人為人長大有力唐僖

宗乾符中江淮羣盜起行密以為盜見獲刺史鄭

縈奇其貌陰縱之去復應募為州兵殺軍吏起兵

據廬州。中和三年。唐卽拜行密廬州刺史。時高駢帥淮南。爲畢師鐸所攻。表行密行軍司馬。師鐸囚駢。召宣州秦彥入揚州。行密不得入。城中乏食。樵採路絕。宣州軍始食人。通犀帶一。易米五升。錦衾一。易糠五升。行密積金帛米麩於一寨。使老羸守之。多伏精兵於其傍。與秦彥戰。陽不勝而走。廣陵兵追之。空寨爭取金帛。麩米伏兵四起。俘斬殆盡。師鐸單騎走入城。遂殺高駢。行密聞駢死。縞軍向城哭。攻其西門。彥及師鐸奔東塘。行密遂入揚州。

是時城中久饑。民相食。夫婦父子。自相牽就屠賣之。屠者剗剔如羊豕。行密不能守。已而孫儒殺秦彥。畢師鐸并兵將攻行密。行密乃走廬州。久之。取宣州。昭宗隆紀元年。唐拜行密宣歙觀察使。行密遣將攻浙西孫儒。亦自廣陵引兵渡江。轉戰而南。行密城戍皆望風奔潰。朱全忠遣使與行密約。共攻儒。儒恃其兵強。欲先滅行密。後敵全忠。悉焚揚州廬舍。驅丁壯婦女渡江。殺老弱以充食。行密將張訓潛入揚州。滅餘火。得穀數十萬斛。以賑饑民。

儒遂焚掠蘇常引兵逼宣州。景福元年，儒食盡，行密縱兵邀擊，擒斬之，傳首京師。行密遂帥眾歸揚州。唐拜行密淮南節度使。先是揚州富庶甲天下，時人稱揚一益二。及經秦畢孫楊之後，江淮千里，掃地盡矣。行密收儒餘兵數千，以皂衣蒙甲，號黑雲都。常以為親軍，表田頽守宣州，安仁義守潤州。後俱以分遣頽等攻掠淮南江東諸州，皆下之。乾寧四年，兖州朱瑾來奔，行密兵皆江淮人，輕弱，得瑾騎而兵益振。天復三年，拜行密東面諸道行營

都統，封吳王。天祐二年，行密卒，行密長子渥素無令譽，判官周隱以渥非保家主，勸行密以軍府事授劉威。行密不應。徐溫張顥曰：王出萬死，冒矢石為子孫立基業，安可使他人有之？行密曰：吾死瞑目矣。乃召渥承制，以渥為節度使。丁卯，梁太祖代唐。改元開平。渥仍稱天祐。渥既得江西，驕侈益甚，以故怨殺判官周隱。將佐皆不自安，居喪作樂，燮十圍之燭，以擊毬。徐溫張顥泣諫不聽，乃帥牙兵露刃，數渥所親信十餘人之罪，曳下殺之。於是軍

政悉歸二人。二人亦不自安。天佑五年。戊辰。遣盜入寢。弒渥。議分其地。以臣於梁。及旣死。顥欲背約自立。溫問計於嚴可求。可求曰。顥剛愎而闇。易爲也。明日。顥列戟府中。召諸將議事。大將自朱瑾而下。皆去衛從。顥三問所當立。莫敢對。可求前密啓曰。四境多虞。非公主之不可。朕恐太速。外有劉威。陶雅輩。皆先王一等人。能降心事公否。不如且立幼主。待其歸心。顥不能對。可求因趨出。書一教內袖中。率諸將入賀。諸將不知所爲。及出教。乃渥母

史氏教也。言創業艱難。告諸將無負楊氏辭旨。激切。顥氣色皆沮。隆演乃得立。隆演行密第二子。顥出溫於潤州。可求以計留之。溫遂與可求謀結將軍鍾泰章等三十人。斬顥於牙堂。暴其弒君之罪。初。顥與溫謀。溫曰。參用左右牙兵。心必不一。不如獨用吾兵。顥不可。溫曰。朕則獨用公兵。顥從之。至是窮治黨與。皆左牙兵也。由是人以溫爲實。不知謀云。九年。溫率將吏進隆演位。吳王。十二年。封徐溫齊國公。徙治金陵。留其子知訓秉政。而大事溫

傳錄
爲遙決。隆演幼懦，知訓尤陵侮之。十五年，副都統朱瑾殺徐知訓，瑾亦自殺。潤州徐知誥聞變，率兵入，遂得秉政。溫客尤見信者，唯駱知祥。嚴可求可求善籌畫，知祥長於財利。吳人謂之嚴駱。溫亦自喜爲矯詐，尤得吳人之心。梁貞明五年，己卯，溫請隆演卽帝位，不許。遂建國。吳改天祐十六年爲武義元年，立宗廟社稷如天子。拜溫大丞相，知誥左僕射。二年，隆演卒。年二十四。弟廬江公濛當立，而徐氏不利長君，乃立行密第四子溥。辛巳，改元順

義

年七

乾貞

年二

太和

年六

天祚

年三

順義

三年

唐莊宗滅

梁

七年丁亥，溫卒。十一月，溥御文明殿，卽皇帝位。

大赦，改元。追尊行密，渥隆演帝號，行密廟號太祖。

渥烈祖。太和五年，建都金陵。知誥封齊王，以金陵

爲西都，廣陵爲東都。天祚三年，十月，溥遣江夏王

璘冊禪位於齊王知誥。知誥尊溥爲讓皇帝，卒於

丹陽。謚曰睿。子孫遷海陵，嚴兵守之，絕不通人。久

而男女自爲匹偶。顯德三年，周世宗征淮南，李景

遣人盡殺其族。楊氏遂絕。吳自梁貞明五年己卯

傳錄金 五
僭號至晉天福二年丁酉禪唐共十九年亡。

南唐

李昇字正倫徐州人也世本微賤少孤流寓濠泗間楊行密攻濠州得之奇其狀貌養以爲子而楊氏諸子不能容以乞徐溫乃冒姓徐氏名知誥爲人溫厚有謀喜書善射爲吳樓船軍使以功拜昇州刺史時江淮初定州縣吏多武夫知誥獨選用廉吏傾貲招延士大夫洪州進士宋齊丘好縱橫術辟爲推官嘗屏語水亭以鐵筋畫灰爲字尋滅

去之人莫得知也溫聞知誥理昇州有善政乃徙治之而遷知誥潤州旣而徐知訓爲朱瑾所殺溫居金陵未及聞知誥卽日以州兵渡江定亂遂得政知誥欲收人心乃寬刑法推恩信起延賓亭以待四方之士嘗陰使人察民間婚喪匱乏往往賙給之又以吳王命悉蠲天祐十三年逋稅以故溫雖遙秉大政而吳人頗心歸知誥宋齊丘又說知誥蠲丁口錢悉輸穀帛紬絹直千錢者當稅三千由是曠土盡闢桑柘滿野國以富強武義元年拜

左僕射參知政事。楊溥僭號。加太尉中書令。太和三年。出鎮金陵。如溫之制。留其子景通爲司徒同平章事。四年。封東海郡王。知誥久有傳禪之志。以吳王無失德。欲待嗣君。宋齊丘亦以爲狀。一日。知誥臨鏡。鑷白髭。歎曰。功業已就。而吾老矣。奈何。周宗知其意。馳詣江都。以傳禪諷吳王齊丘。以宗先發忌之手書切諫。請斬宗以謝。乃黜宗池州副使。五年。封齊王。閩越諸國。皆遣使勸進。知誥謂人望已歸。天祚三年。丁酉十月。受吳禪。卽晉天福二年。

也。國號齊。改元昇元。徐氏諸子。請知誥復姓。知誥謙抑。不敢忘徐氏恩。下百官議。百官皆請。乃復姓李氏。改名昇。自言唐憲宗子。建王恪四世孫。改國號曰唐。追尊四代。奉徐溫爲義祖。徐氏子孫皆封王。昇見天下亂久。常厭用兵。與吳越錢氏約和。通好不絕。雖無復經營之略。而吳人亦賴以休息。七年卒。年五十六。廟號烈祖。子景立。景初名景通。昇長子也。旣立。又改名璟。於天福八年癸卯。改元保

大

年十五

交泰

旋改

中興

四年

用馮延巳。馮延魯。陳覺。魏

傳錄
岑查文徽等邪佞用事國人謂之五鬼二年閩人連重遇朱文進弑其君王延義文進自立王延政亦自立於建州閩大亂璟因其亂殺文進并滅王氏璟遂欲罷兵陳覺以李仁達等餘孽尚在招之不從乃矯命發兵魏岑亦擅起兵於漳泉仁達送款吳越吳越救之遂與吳越戰諸軍皆潰時晉開運四年契丹陷京師中國無主而璟方以覺等疲兵東南不暇北顧也漢高祖立再傳爲隱帝國弱淮北羣盜多納款於璟九年辛亥周太祖郭威卽

位楚馬希廣希萼連歲相攻楚國大亂璟遣信州刺史邊鎬攻楚破潭州盡遷馬氏之族於金陵馮延巳以克楚爲功不欲取費於國乃重斂以給軍

楚人胥怨唐有其地而不能守十三年巳卯周世宗命將南侵唐人大懼明年周主親征凡用兵三載大小數十戰卑辭厚幣請服者至再至三世宗終不答必盡取唐江北十四州之地乃引兵還唐避周諱更名景下令去帝號稱國主奉周正朔時顯德五年也初周師無水戰之具巳而獲唐水卒

傳錄
乃造戰艦使降卒教之長淮之舟皆爲周師所得
又造齊雲船數百艘舟大不能過乃開老鸛河以
通之遂達大江景初自恃水戰及見舟師盛列江
次以爲自天而下不敢不屈矣景謀遷都洪州唐
鎬贊之乃升洪州爲南昌建南都建隆二年辛酉
留太子從嘉監國景遷南都六月景卒年四十六
廟號元宗從嘉景第六子也改名煜煜爲人仁孝
善屬文工書畫而豐額駢齒一目重瞳子性好聲
色喜浮圖言不恤政事自太子冀以下五子俱早
卒煜嗣立於金陵不改元開寶四年遣弟韓王從
善朝京師遂留不遣煜怏怏以國蹙爲憂日與臣
下酣宴悲歌不已七年宋太祖召煜赴闕托疾不
行八年舉兵克金陵俘至京師封爲違命侯南唐
亡自烈祖於晉天福二年丁酉稱帝至宋開寶八
年乙亥滅共三十九年

前蜀

王建字光圖許州舞陽人也少無賴以屠牛盜驢
販私鹽爲事後爲忠武軍卒稍遷隊將黃巢陷長

備錄
安。僖宗在蜀，楊復恭以忠武兵八千人分八都，建與鹿晏弘各爲一都頭。復恭死，晏弘率八都西迎僖宗，所過剽掠已而晏弘東歸。建等各率一都奔蜀。僖宗大喜，命屬軍容使田令孜令孜皆以爲養子。僖宗還長安，使將神策軍宿衛。光啓元年，河中王重榮與令孜爭鹽池，召晉兵犯京師。僖宗幸鳳翔，移幸興元。李昌符焚棧道，棧道幾斷。建控僖宗馬，冒煙焰中過宿坂下。僖宗枕建膝寢，覺而涕泣。解御衣賜之。既至興元，西川節度使陳敬瑄令孜

母弟也。以建爲璧州刺史。建招集亡命，有衆八千。連破州城。敬瑄患之，令孜曰：王八，吾兒也。以一介召之，可置麾下。乃使人招建。建馳至成都，行及鹿頭關。敬瑄悔召建，止之。建大怒，擊破鹿頭關，數敗敬瑄所遣將山行章等，相持百餘日。昭宗遣使兩解詔，各罷兵。文德元年，以宰相韋昭度爲西川節度使。敬瑄不受代，昭度將兵討之，不克，乃留符節與建而自東歸。建卽以兵扼劔門，兩川阻絕。諸州皆殺刺史降建。建攻成都，令孜夜入建軍，以節度

觀察牌印授建敬瑄開門迎入以張勅爲都虞侯殺軍士剽掠者百人而後定敬瑄令孜旣而皆爲建所殺東川顧彥朗卒弟彥暉立建攻破梓州以王宗滌爲東川留後於是建遂并有兩川之地而山南西道以至三峽皆屬焉天復三年唐封建蜀王四年唐遷都洛陽改元天祐建與唐隔絕而不知故仍稱天復七年丁卯梁滅唐遣使諭建建拒而不納九月卽皇帝位明年戊辰改元武成二年永平六年通正一年天漢一年光天一年蜀恃險而富當唐之

末士人多依建以避亂建雖起盜賊而爲人多智詐善待士故其僭號也所用皆唐名臣世族梁貞

明四年建卒年七十二廟號高祖太子宗衍立建十一子衍最幼以母徐賢妃專寵用事得爲太子

明年巳卯改元乾德六年咸康二年衍年少荒淫太后

徐氏與其妹太妃以教令賣官自刺史以下每一官闕必數人並爭而入錢多者得之衍委政宦官

而與狎客婦人日夕酣飲唐莊宗滅梁遣李嚴聘

蜀衍與俱朝上清宮

塑玄宗皇帝及王子晉像

而蜀都士庶簾

惟珠翠夾道不絕。嚴見人物富盛，而衍驕淫，乃獻策伐蜀。咸康二年，丙戌，唐魏王繼岌、郭崇韜來伐。時衍幸秦州，自綿谷還，至成都，衍雜宮人作回鶻隊以入，御文明殿，與羣臣相對涕泣。唐兵逼成都，衍君臣面縛輿襯出降。莊宗召衍入洛陽，用伶人景進計，誅其族。衍母徐氏臨刑呼曰：「吾兒以一國迎降，反以爲戮，吾知汝禍不旋踵矣。」遂相率就死。前蜀高祖於梁開平二年，戊辰，僭號。至唐同光四年，丙戌，滅。共二主十九年。前蜀亡。

後蜀

孟知祥，字保胤，邢州龍岡人也。父道事晉，不顯。及知祥壯，晉王以弟李克讓女妻之。莊宗建號，以知祥爲太原尹，北京留守。唐兵破蜀，以知祥爲劍南西川節度使。同光二年，正月，知祥至成都，先鋒康延孝反，知祥遣大將李仁罕會兵擊破之。明宗入立，知祥訓練兵甲，陰有王蜀之志，置軍七萬餘人。會任圜自蜀入爲相，兼判三司，知蜀所餘犒軍錢。遣趙季良齎敕加拜侍中、官誥，賜知祥。因督蜀錢。

送京師。且制置三川征賦。知祥怒不奉詔。狀與季良有舊。遂留之。樞密使安重誨疑知祥有異志。以客省使李巖監蜀軍。巖前使蜀。既歸。而獻策伐蜀。蜀人惡之。知祥亦怒。置酒召巖。因使客將執而斬焉。明宗不能詰。而仍欲以恩信懷之。乃遣使慰諭知祥。并送瓊華公主。及其子昶歸蜀。知祥因請趙季良爲節度副使。事無大小。皆與參決。初。知祥與東川董璋俱有異志。而安重誨猶欲倚璋以圖知祥。長興元年。董璋先反。陷閬州。知祥亦連兵拒命。

唐遣石敬瑭爲都招討使。是時唐軍涉險。以餉道爲艱。自潼關以西。每費一石。不能致一斗。道路嗟怨。敬瑭軍遁歸。所在守將皆棄城走。明宗憂之。安重誨懼。遽自請行。未幾。重誨亦被讒得罪死。明宗乃復命官招諭知祥。知祥三遣使邀璋。上表謝罪。璋怒曰。孟公親戚皆完。而我子孫見殺。我何謝爲。不聽。由是復成仇敵。三年。璋舉兵襲成都。聲勢甚盛。知祥擊敗之。璋爲其下所殺。知祥遂兼有東川。狀自璋死。知祥卒。不遣使謝唐也。四年。唐冊封知

祥爲蜀王。趙季良、李仁罕、趙廷隱、張業、李肇等五人皆拜節度使。明宗殂，明年甲午閏正月，知祥卽皇帝位，國號蜀。改元明德。卽唐潞王清泰元年也。唐興元、武定兩鎮降蜀。張虔釗等至成都，知祥晏勞之。虔釗奉觴起爲壽，知祥手緩不能舉，觴遂病。以太子昶監國。知祥在位一年卒，廟號高祖。昶第三子也。初立不改元，仍稱明德。至五年戊戌改元廣政。昶年少不親政事，而將相大臣皆知祥故人。驕蹇多踰法度，而李仁罕、張業尤甚。兩人相繼就

誅，其餘或死或致仕。由是昶始親政於朝堂，置匭以通下情。是時契丹滅晉，漢高祖起太原，秦階成三州復附蜀。於是悉有王衍故地。十八年，周師來伐，取四州而罷。昶因寓書於周世宗。世宗怒昶無臣禮，不答。昶幸中國多故，據險一方，君臣務爲奢侈以自娛。宋兵下湘潭，昶大懼，遣人以蠟丸書間行。東漢約出兵以撓中國，爲邊吏所得。宋太祖遂下詔伐蜀，命王全斌等西征。且治第於汴水之涯，以待昶。蜀兵遇敵奔潰，昶嘆曰：「國家養士四十年，

一旦臨敵不能爲吾東向放一箭將誰與守耶乃命李昊草表以降時乾德三年乙丑正月初昊事王衍爲翰林學士衍之亡也昊爲草表至是又草焉蜀人夜書其門曰世修降表李家當時傳以爲笑昶至京師封秦國公七日而卒母李氏亦不食卒在位共三十一年宋太祖見昶所裝七寶溺器命撞碎之曰汝以七寶飾此當以何器貯食所爲如此不亡何待自高祖於清泰元年甲午僭號至宋乾德三年乙丑滅凡二主共三十二年後蜀亡

南漢

劉隱其祖上蔡人後徙閩中商賈南海因家焉隱代父謙爲封州刺史天祐二年以重賂結朱全忠得爲清海軍節度使封南平王隱父子起封州遭世多故數有功於嶺南遂有南海中朝人士以嶺外最遠可以避地而唐世名臣謫死南方者往往有子孫隱皆招禮之隱卒弟巖立襲封王爵梁貞明三年丁丑卽皇帝位國號大越改元乾亨巖性苛酷爲刀鋸支解剝剔之刑每視殺人不覺朶頤

垂涎呀呷。又好奢侈。悉聚珍寶。以為玉堂珠殿。二年。改國號漢。又更名陟。九年乙酉。白龍見南宮。改元白龍。又改名龔。有胡僧言。識書滅劉者龔也。乃取飛龍在天之義。創為龔字。音儼以名焉。四年戊子。楚人以舟師來攻封州。龔懼。筮之。遇大有。遂改元大有。遣將蘇章迎戰。盡殺楚人。在位二十五年卒。年五十四。廟號高祖。子玠立。改元曰光天。玠不任事。龔在殯。宮中裸男女。以為樂。或衣墨縗。與娼女夜行。出入民家。恣為荒淫。頗疑諸弟。諸弟洪熙等。

陰遣勇士拉殺之。在位二年。年二十四。謚曰殤。弟晟立。晟即洪熙也。晉天福八年癸卯。改元應乾。晟弑兄自立。懼眾不服。乃益峻刑法。以威眾。冬。又改元乾和。諸弟十餘人。相次皆見殺。攻楚。連得諸州。與南唐兵遇。大勝之。晟益得志。遣巨艦入海。掠商人金帛。作離宮游獵。是時劉氏離宮。名有數百。不可勝紀。顯德三年。周世宗平江北。晟始惶恐。遣使修貢於京師。為楚人所隔。晟憂形於色。是秋卒。在位十五年。廟號中宗。子銀立。銀初名繼興。改元大

寶晟性剛忌不任臣下而獨信宦官宮婢林延遇盧瓊仙等至錢尤愚謂羣臣有家室顧子孫不能盡忠惟宦者親近可任遂委任宦者龔澄樞陳延壽等至羣臣必先闕狀後用澄樞既專政錢淫戲後宮不復出省事又引女巫樊胡子坐帳中宣禍福呼錢爲太子皇帝國事皆決於胡子陳延壽謂錢曰先帝所以得傳陛下者由盡殺羣弟也勸王稍誅諸王錢以爲狀時宋太祖已立錢將邵廷瑁勸修兵備不狀悉珍寶奉中國以通好錢情狀莫

應宋太祖詔李煜諭錢使稱臣錢怒不聽宋取韶桂連賀四州錢喜曰此本屬湖南北師取之足矣其不復南也其愚如此開寶四年潘美入漢境錢素車白馬以降在位十四年封爲恩赦侯自劉龔於梁貞明三年丁丑僭號至宋開寶四年辛未滅共五十五年南漢亡

閩

王審知字信通光州固始人也世爲農兄潮爲縣史唐末壽州人王緒起兵所至剽掠聞潮兄弟材

傳錄
勇召爲軍校。緒欲向泉州。以道險糧少。命軍中無携老少。潮兄弟獨扶母以從。緒以違令將殺之。潮曰。人皆有母。未有無母之人。奈何使人棄母乎。將士爲之請。乃得釋。緒性猜忌。部將有勇略可疑者。皆殺之。潮以計伏壯士於篁竹間。擒緒。乃共推潮爲主。行至泉州。其刺史賡彥若貪暴。耆老相率遮道留潮。潮引兵圍泉州。克之。光啓二年。觀察使陳巖表潮泉州刺史。景福二年。癸丑。巖死。取福州。唐卽授以福建觀察使。弟審知副使。審知狀貌雄偉。

常乘白馬。軍中號白馬三郎。有過潮。加捶楚。審知無怨色。潮卒。舍其子而立之。唐以福州爲武威軍。加審知節度使。梁興拜閩王。審知雖起盜賊。而爲人儉約。好禮下士。唐時知名進士皆依焉。後唐同光三年卒。在位二十九年。年六十四。謚忠懿。子延翰立。時莊宗遇弒。中國多故。延翰謂其將吏曰。閩自古王國也。吾今不王。何待。於是軍府勸進。同光四年丙戌。延翰建國稱王。宮殿百官皆倣天子。而猶稟唐正朔。初。審知養子延稟。與延翰不叶。延翰

傳錄金
又茂棄兄弟出延鈞於泉州二人因謀作亂十二月以兵入殺延翰而延鈞立更名鱗鱗審知次子也鱗好鬼神道家之說建寶皇宮云當爲六十年天子長興四年癸巳乃卽皇帝位受冊於寶皇以黃龍見改元龍啓命其宅曰龍躍宮追謚審知爲太祖三年改元永和鱗妻早卒審知婢金鳳姓陳氏鱗嬖之立爲后鱗婢春鸞有色長子繼鵬因陳氏以求春鸞鱗怏怏與之次子繼韜怒謀殺繼鵬繼鵬遂與皇城使李做弑鱗并殺繼韜鱗立十年

廟號太宗繼鵬立更名昶改元通文立父婢春鸞爲后昶亦好巫事無大小輒以寶皇語命之而後行都將連重遇縱火焚宮迎立延羲而殺昶在位三年謚曰康宗延羲審知少子更名曦改元永隆曦弟延政爲建州節度使封富沙王數舉兵相攻曦由此惡其宗室多以事誅之曦常爲牛飲羣臣不勝醉有私棄酒者皆殺之連重遇弑昶懼爲國人所討與朱文進連姻以自固曦心疑之字后妬尚妃之寵使人以言激重遇開運元年甲辰三月

曦出遊醉歸重遇遣壯士拉殺之於馬上謚曰景宗召百官告之曰天厭王氏宜擇有德者以安此土衆莫敢言重遇乃推文進升殿被袞冕文進自稱閩王收王氏五十餘人皆殺之先是王延政在建州屢敗曦兵已於天福八年癸卯稱帝國號殷改元天德至是泉州軍將留從效詐其州人曰富沙王兵取福州矣因共殺文進所命守令而裨將林仁翰亦率其徒殺重遇文進函二首送建州南唐聞閩亂發兵攻延政遷延政之族於金陵是歲

唐保大四年晉開運三年丙午也自王鏐同光四年丙戌始建國至開運三年丙午滅凡二十一年

閩亡

北漢

一作東漢

劉旻漢高祖知遠母弟也初名崇爲太原尹北京留守隱帝少政在大臣周太祖討平三叛立大功與旻有隙旻知漢政將亂乃罷上供征賦收豪傑籍丁民以益兵隱帝遇弒旻乃謀大舉當周太祖之自魏入也反狀已白而大臣不卽推尊之乃議

傳錄
立旻子贊爲漢嗣。非實意也。旻獨喜曰：吾兒爲帝矣。何患。卽罷兵。遣人至京師。周太祖少賤。黥其頸。上爲飛雀。世謂之郭雀兒。見旻使者。具道所以立贊之意。因自指其頸曰：自古豈有雕青天子。幸無我疑。旻喜。益信以爲狀。李驥勸旻舉兵以俟變。旻大怒。斬之。已而周太祖果代漢。贊死。旻卽慟哭。爲驥立祠。乃以廣順元年辛亥。卽皇帝位於太原。遣使契丹。約爲父子之國。世宗卽位。旻喜。乞兵於契丹。契丹以十萬衆助旻。世宗自將禦之。戰於高平。

世宗躬督戰士。奮命爭先。旻大敗。獨乘契丹黃驢。間道馳去。所失不可勝紀。周兵進攻太原。不克。而還。旻自敗後。以憂得疾卒。年六十。在位四年。子承鈞立。初。旻常謂張元徽等曰：吾以高祖之業。贊之。冤稱帝一方。豈其獲已。顧我是何天子。爾等是何節度使耶。故仍稱乾祐年號。不改元。不立宗廟。四時之祭。用家人禮。承鈞立。始改乾祐十年丁巳爲天會元年。自旻世。凡舉事。必稟契丹。而承鈞每忽之。契丹遣使責問。承鈞奉之乃謹。而契丹待承鈞

傳錄
遂薄地狹產少國用日削。開寶元年戊辰卒。在位十三年。養子繼恩立。繼恩母旻女也。先適薛氏。生繼恩。後嫁何氏。生繼元。旻以承鈞無子。命承鈞養二子爲子。繼恩襲位。供奉官侯霸榮作亂。殺之。繼恩之立。非郭無爲意。霸榮挺刃入閣。人皆以爲無爲之謀。霸榮死。口滅無知者。無爲迎立繼元。改元。廣運。繼元爲人忍。旻子十餘人。皆爲繼元所殺。并殺承鈞妻郭氏。郭氏繼元自少所奉母也。於是劉氏之子孫盡矣。宋師北征。繼元堅守拒命。乃班師。

太平興國四年。太宗自將伐漢。力屈乃降。封彭城郡公。自劉旻於周廣順元年辛亥僭號。至宋太平興國四年己卯滅。共二十九年。北漢亡。

楚

馬殷字霸圖。許州鄆陵人也。初爲孫儒裨將。儒敗死。推劉建峰爲帥。殷爲先鋒。轉攻豫章。有衆十萬。乾寧元年。入湖南。次澧陵。襲殺潭州刺史鄧處訥。建峰自稱留後。建峰嗜酒恣淫。爲軍卒陳贍所殺。諸將迎司馬張佶。佶將入馬。輒蹠齧。傷佶髀。佶遂

召殷率將吏北面再拜以位與之。時乾寧三年也。
唐拜殷潭州刺史武安軍節度使。以高郁爲謀主。
盡得楚地以附於朱全忠。封楚王。唐莊宗滅梁。殷
遣其子希範修貢京師。天成二年丁亥。殷以潭州
爲長沙府。建國。承制自置官屬。以希聲判內外軍
事。初。荆南高季昌患殷將高郁賢。常使謀者行間
於殷。殷不聽。希聲用事。謀者曰。季昌聞楚用高郁。
大喜。以爲亡馬氏者。必郁也。希聲素愚。以爲狀。遽
奪郁兵職。且矯令殺郁。殷初不之知。明日吏以狀

聞。殷拊膺大慟曰。吾荒耄如此。而殺吾勳舊。吾亦
不久於此矣。長興元年。殷卒。年七十九。子希聲立。
居喪無戚容。日食雞臠數盤。三年卒。弟希範立。窮
極土木。作九龍殿。開運四年卒。年四十九。謚曰文
昭。弟希廣立。拓拔常勸廣以位奉其兄。弟希萼。希廣
不聽。時希萼爲朗州節度使。來奔。兄喪。周廷誨曰。
王能與之則已。不狀。宜早除之。希廣泣曰。吾兄也。
焉忍殺之。分國而治可也。乃以兵迎希萼。止之於
碧湘宮。厚賂而遣之。希萼憤狀而去。遣使詣京師。

求封爵。漢隱帝不許。希萼遂送款於李景。舉兵攻長沙。又誘溪洞諸蠻以寇益陽。率舟兵沿江而上。自號順天將軍。希廣將許可瓊陰輸誠於希萼。兵潰。乾祐三年。希萼自立。取希廣縊殺之。時京師大亂。楚臣於南唐。冊封希萼爲楚王。楚舊將徐威陸孟俊等。縛希萼。迎立希崇。囚希萼於衡山。請命李景。景遣邊鎬入楚。盡遷馬氏之族於金陵。時周廣順元年也。起滅凡五十七年。未有僭號。

南平

高季興。字貽孫。陝州硤石人。本名季昌。避後唐廟諱。更季興。少爲汴州富人李讓家僮。讓得幸於梁太祖。因獲進用。太祖奇其材。命讓以子畜之。梁攻鳳翔。李茂貞堅壁不出。議收軍還河中。季興獻策。募勇敢士。授以計。誘致茂貞。岐人果開門出軍。梁兵殺岐九千餘人。季興由是知名。開平元年。拜荆南節度使。節度十州。時爲諸道所侵。季興始至。江陵一城而已。并邑凋零。季興招緝綏撫。人士歸之。蜀依政人梁震登第還蜀。過江陵。季興留之。震欲

去懼及禍遂稱唐進士終身季興資其謀號曰先輩梁政日衰季興謀阻兵自固絕貢賦者累年梁末帝優容之封渤海王唐莊宗入洛季興欲入朝京師梁震不可不聽既至幾爲所留歸握震手曰不聽子言幾不免朕主上百戰以取河南每對功臣曰吾於手指上得天下其矜伐如此又荒於遊畋政事多廢吾無慮矣初唐兵伐蜀季興請以本道兵先進蜀滅季興未嘗出兵而請夔忠等州爲屬郡雖不得已與之唐猶自除刺史季興拒命明

宗遣將來伐季興遂臣於吳吳冊爲秦王天成一三年冬卒年七十一謚曰武信子從誨立復因楚馬殷請命於唐奉表贖罪進南平王荆南地狹兵弱介於吳楚爲小國自吳稱帝而南漢閩楚奉中國正朔者貢使皆假道荆南季興從誨每邀留使者而掠取其物或責誚加討卽復還之其後南漢閩蜀皆稱帝從誨所向稱臣蓋利其賜予俚語謂奪攘苟得不知恥者爲賴子猶言無賴也故諸國皆目爲高賴子漢乾祐元年卒年五十八子保融立

周世宗征淮保融出兵爲應又遣客將奉牋南唐勸其內附李景稱臣世宗得保融所與牋大喜賜以絹萬疋荆南自後唐以來歲一貢京師至是無歲不貢矣宋興保融懼一歲之間凡三入貢建隆元年卒年四十一弟保勗立三年卒年三十九保融之子繼冲立四年湖南將張文表作亂宋太祖命慕容延釗等討之假道荆南約以兵過城外大將李景威曰兵尚權譎城外之約其可信乎宜嚴兵以恃判官孫光憲叱之勸繼冲去斥候封府庫繼冲以爲狀景威嘆曰大事去矣何用生爲因扼吭而死延釗軍至繼冲出迎前鋒遽入其城繼冲歸見旌旗甲馬布列衢巷大懼卽詣延釗納牌印太祖優詔復命爲節度使乾德元年陪祀南郊率其將吏宗族五百餘人朝京師拜武寧節度使以卒國除起滅凡五十七年未有僭號

吳越

錢鏐字具美臨安人也里中有大木鏐幼與羣兒戲其下指麾號令頗有法羣兒皆憚之及壯無賴

縣錄事鍾起有子數人與鏐飲博起嘗禁其諸子會術者言鏐骨法當極貴因縱子與遊時時貸其窮乏鏐善射與槩稍通圖緯諸書乾符三年鎮將董昌表鏐以偏將擊賊黃巢攻掠浙東鏐與勁卒二十人伏山谷中射殺其將巢兵亂鏐引勁卒蹂之斬首數百級巢遂不敢犯臨安高駢表董昌杭州刺史是時天下已亂昌乃團諸縣兵爲八都鏐爲都指揮使越州觀察使劉漢宏與昌有隙昌謂鏐曰汝能取越州吾卽以杭州授汝鏐遂將兵執

漢宏光啓三年拜鏐杭州刺史乾寧二年越州董昌反昌素愚不能決事聽民訟以骰子擲之勝者爲直妖人因以圖讖欺昌昌遂稱皇帝國號羅平改元順天鏐以昌反狀聞昭宗削昌官爵以鏐爲浙東招討昌將皆庸人不知兵顧全武執昌以歸昌投水死詔拜鏐鎮海鎮東軍節度使鏐以越州爲東府還治錢塘天復二年封越王天祐元年進爵吳王梁太祖卽位封吳越王節度淮南客有勸鏐拒梁命者鏐笑曰吾豈失爲孫仲謀耶乾化四

傳系金
年楊隆演取虔州。鏐始由海道入貢。唐莊宗入洛。賜鏐玉冊金印。更名所居曰宮殿。府曰朝。官屬皆稱臣。改元寶正。起玉冊金券詔書三樓於衣錦軍。長興三年卒。年八十一。謚曰武肅。子元瓘立。元瓘亦善撫將士。好儒學。喜爲詩。狀性侈僭。天福六年。杭州大火。燒其宮室。迨盡。元瓘避之。火輒隨發。元瓘因病狂卒。年五十五。謚曰文穆。子佐立。佐時年十三。諸將皆易之。稍稍不法。乃黜戮其大將內都監數人。國中由是震恐。閩中亂。南唐攻之。佐曰。吾

爲元帥而不能救耶。遣將誓軍。號令齊整。俘馘李景兵萬計。遂取福州而還。開運四年卒。年二十。謚曰忠獻。弟侖立。侖大閱兵於碧波亭。方第賞大將。胡進思以賞厚爲諫。侖怒。擲筆水中曰。以物與軍士。吾豈私之。何見咎也。歲除。畫工獻鍾馗擊鬼圖。侖題詩其上。進思見之。知侖將殺已。是夕擁衛兵廢侖。遷於東府。而迎立俶。俶歷漢周襲封吳越國王。賜玉冊金印如故。周師渡淮。俶盡括國中丁民。以水軍戰船會於通州。淮南旣平。世宗遣使賜俶

傳統金
兵甲旗幟橐駝牛馬。錢氏兼有兩浙。幾及百年。比諸國號爲怯弱。而俗喜淫侈。常爲重斂。民頗苦之。**宋興荆楚**諸國相繼歸命。俶勢益孤。始傾其國。以事貢獻。**開寶**九年入朝。恩禮甚厚。留兩月遣歸。帝賜以黃袱。封識甚固。戒曰。途中宜密觀。及啓之。則皆羣臣乞留俶章疏也。俶益感懼。**太平興國**三年。詔俶來朝。藉境內十三州土地。戶口輸納。舉族歸於京師。俶仍封王。子孫並節度使。其賜賚寵遇冠絕當時。**吳越**起滅凡八十四年。

岐
附

李茂貞。深州博野人。本姓宋。名文通。僖宗時爲神策都將。破賊有功。賜今名。詔討李昌符。誅之。拜鳳翔隴右節度使。**景福**元年。攻山南西道。茂貞不奉詔。表辭不遜。昭宗不能忍。宰相杜讓能以茂貞地大兵強。力未能討。昭宗怒曰。吾不能孱孱坐受凌弱。乃責讓能治軍。茂貞遂犯京師。殺讓能以解。乃罷兵。**乾寧**二年。復與王行瑜韓建三鎮犯闕。殺宰相韋昭度李璣。昭宗出奔。京師大亂。三年。復犯上。

幸華州久之加拜茂貞尚書令封岐王其後昭宗
爲宦者所廢旣反正宰相崔胤欲借梁兵誅諸宦
者宦者倚茂貞之疆劫帝幸鳳翔梁軍圍之逾年
茂貞每戰輒敗城中薪食俱盡窮急謀以天子與
梁斬宦者韓全誨等二十人梁圍得解狀天子雖
出梁遂劫之東遷而唐亡矣梁太祖卽位諸侯之
疆者相次稱帝獨茂貞不能但稱岐王出入擬天
子唐莊宗破梁甚尊禮之改封秦王同光二年卒
子從贖嗣久之國除

燕

附

劉守光深州樂壽人也父仁恭事晉晉王信而愛
之擊岐幽州李匡儔以仁恭爲幽州留後其後仁
恭叛晉晉王自將討之反爲仁恭所敗光化三年
取滄景德三州爲其子守文請節於唐昭宗遲之
未卽從仁恭怒語唐使者曰爲我語天子旌節吾
自有但要長安本色耳何屢求不得耶卒以守文
領橫海節度使仁恭父子率兩鎮兵擊魏梁救之
仁恭走橫尸數百里梁軍自是連歲攻之仁恭懼

復附於晉仁恭幸世多故而驕於富貴築宮大安山窮極奢侈選燕美女充其中悉斂境內銅錢鑿山而藏之殺工以滅口人莫知其處有愛妾羅氏守光烝焉仁恭怒逐守光守光將兵入自稱盧龍節度使以兵攻大安山因執仁恭其兄守文聞父且囚乞契丹兵討守光守文被擒又囚之於別室守光素愚由此益驕諷諸鎮其尊已於是晉王率義武王處直成德王鎔等陽推尊之以墨制冊守光爲尚書令尚父梁亦以爲採訪使守光謂有司

曰此儀注何不郊天有司曰尚父雖尊人臣耳守光怒曰我爲尚父誰當帝耶乃械梁晉使者遂於梁乾化元年自稱大燕皇帝改元應天孫鶴切諫推之伏鑕令軍士割而啖之晉王聞之大笑曰俟彼十年吾當問其鼎矣守光謀攻易定幽州叅軍馮道以爲未可繫獄得免遂亡奔晉明年晉遣周德威將三萬人會鎮定攻燕被圍經年累戰常敗乾化三年十一月晉王督諸軍四面攻城克之擒仁恭及其家族三百餘口守光與妻子南走迷失

傳系金
道數日不得食遣妻祝氏乞食於田家怪而詰之
祝氏以實告乃執送幽州時晉王方宴將吏擒守
光適至王詰之曰主人何避客之深耶命書記王
緘草露布緘不知故事書之於布遣人曳之守光
父子俱伏誅凡僭號二年滅
此外尚有趙王王鎰鄴王羅紹威及王處直韓建
留從效周行逢等割據方隅者甚多俱旋起旋滅
同於藩鎮不具載

按唐自黃巢兵起天下多故內有闍寺之禍外有
夷狄之患強藩巨鎮專制一方迨朱全忠以不仁
得國而四方豪傑並起逐鹿惜皆不能以道治此
所以一再傳而亡也百餘年間干戈擾攘生民塗
炭雖曰人事豈非天意哉

宋紀

宋太祖皇帝

姓趙氏名匡胤涿郡人其先仕唐父弘殷爲周檢
校司徒岳州防禦使弘殷娶杜氏生匡胤於洛陽
夾馬營後唐明宗每夕於宮中焚香祝天曰某胡

人因亂為眾所推。願天早生聖人為生民主。匡胤實應期焉。容貌雄偉。器度豁如。仕周累官。殿前都點檢。加太尉。領歸德節度使。周恭帝立。主少國疑。中外密有推戴之意。適鎮定二州。言遼北漢連兵入寇。周主遣匡胤禦之。次陳橋驛。都指揮使石守信高懷德等。相與謀奉點檢為主。將校環列。直逼寢所。匡胤驚起披衣。未及對。黃袍已加身矣。擁眾還汴。遂受周禪為天子。以火德王。即於庚申。周恭帝元年。改元建隆。三乾德。五開寶。九凡在位十七年。

年。以大梁為東京。開封府。洛陽為西京。河南府。懲唐以來藩鎮之弊。立更戍法。使往來道路以習。勤苦均勞。役用宰相趙普策。以杯酒釋石守信等兵權。始用文臣知州事。南唐後蜀南漢相繼降滅。荆南納土。壽五十歲。初杜太后疾革。召趙普入受遺命。謂帝曰。周世宗使幼兒主天下。故汝得至此。汝萬歲後。當傳位光義。光義傳光美。光美傳德昭。國有長君。社稷之福也。帝泣曰。敢不如教。為約書藏之。金匱。及帝崩。遂立其弟匡義。更名炅。是為太宗。

匡義即光義
改名昺音煌

又按史云開寶九年十月癸丑夕帝崩時疾大漸
宋后遣宦者繼恩召皇子德芳繼恩徑召晉王匡
義宋后見匡義愕狀遽呼曰吾母子之命俱托於
官家晉王泣曰共保富貴無憂也○續編李燾云
帝不豫壬子夜大雪帝召晉王屬以後事在近侍
俱不聞但見燭影下晉王時或離席若有所遜避
之狀既而上引柱斧戮地大聲謂晉王曰好爲之
俄而帝崩戮音擢

愚按宋太祖太宗授受之間所以致後世之疑者
由李燾刪潤湘山野錄而啓之陳桎附會涑水紀
聞而成之近世丁奉辨之詳矣毋輕以莫須有之
獄坐太宗也

宋太宗皇帝

太祖以丙子十月癸丑崩太宗即於十二月改元

太平興國

年八

雍熙

年四

端拱

年二

淳化

年五

至道

年三

凡在

位二十二年壽五十九帝御宇之後舉兵滅北漢
平海節度使陳洪進吳越王錢俶相繼納土天下

復歸一統。但一弟二姪，俱不得其死。論者譏焉。蜀王小淑李順作亂，宦者王繼恩討平之。李繼遷叛，降契丹，征之不下，遂為西顧累代之患。子壽王元侃嗣，更名恒，是為真宗。

宋真宗皇帝

戊戌改元咸平

年六

景德

年四

大中祥符

年九

天禧

年五

乾

興

年一

凡在位二十五年，壽五十五。帝崇奉道教，佞

臣王欽若、丁謂等，矯誣附會。天書屢降，東封西祀，制作紛紜。景德元年，契丹寇澶州，邊書告急，寇準

力請親征，麾衛士進輦渡河，遠近望見御蓋，皆踴躍呼萬歲。契丹氣奪，遂定和議。南朝為兄，北朝為弟，交誓約，各解兵歸。是時微準，幾成南北之勢。第六子受益嗣，更名禎，是為仁宗。

宋仁宗皇帝

帝本宸妃李氏所生，劉后攘以為子。愛帝如己，出癸亥即位，時年十三。母后臨朝，改元天聖。

年九

明道

年二

景祐

年四

寶元

年二

康定

年一

慶曆

年八

皇祐

年五

至和

年二

嘉祐

年八

寶元

康定

間西鄙多事

慶曆

以後君子滿

朝始終如一。稱治平焉。以大名府為北京。**契丹**壓境。求開南之地。遣大臣富弼報之。和好復定。在位四十一年。壽五十四。無嗣。以濮安懿王允讓之子曙。育於宮中。至是即位。更名宗實。是為英宗。

宋英宗皇帝

帝之初立也。曹太后同聽政。因宦官讒間。兩宮不和。帝憂疑成疾。賴大臣韓琦歐陽修等調護。卒以安全。甲辰改元**治平**。年四壽三十六。太子項即位。是為神宗。

宋神宗皇帝

戊申改元**熙寧**。年十**元豐**。年八凡在位十八年。帝勵精

圖治。誤於王安石之言。剗立新法。附會周官泉府之說。以理財為名。而農田水利。青苗均輸保甲。免役市易保馬。手實方田諸法。相繼並興。西北又連歲用兵無功。司馬光呂公著等爭之不得。天下騷然。更定科舉法。以經義論策試士。士必宗王氏學。廢春秋儀禮。狀周敦頤張載程顥程頤諸儒。倡明道學。亦於是時最盛焉。壽三十八崩。太子煦即位。

是爲哲宗。

宋哲宗皇帝

帝初封延安郡王。尋爲皇太子。卽位。年方幼冲。太皇太后高氏臨朝。擢用賢相。罷新法。及王氏經義字說。丙寅改元。元祐。元祐八年。紹聖。紹聖四年。元符。元符三年。共在位十五年。時羣賢在朝。不能不以類相從。遂有洛黨蜀黨朔黨之目。熙豐用事之臣。退處散地。怨入骨髓。及太后崩。奸人章惇蔡卞等。倡紹述之議。橫行無忌。追貶元祐諸君子。布滿嶺海。請廢宣仁太后。高太

后謚賴皇太后。號泣力辨。帝悟而止。內患不息。夷狄

亦乘釁而起。於是中原大亂。壽二十五。無嗣。弟端

王侁卽位。是爲徽宗。

宋徽宗皇帝

帝爲神宗第十一子。初封端王。性機巧。多伎藝。辛

巳繼立。改元建中靖國。建中靖國元年。崇寧。崇寧五年。大觀。大觀四年。政和。政和七年。

重和。重和元年。宣和。宣和七年。卽位後。擢用蔡京爲相。陰託紹述。

箝制天子。而童貫朱勔李邦彥王黼梁師成表裏

爲奸。供奉書畫。採訪花石。大興土木。窮兵結怨。又

崇信道術。親行齋醮。道錄院冊帝為教主。道君皇帝。建德有方臘。淮南有宋江。因民之怨而倡亂。尋討平之。**遼**人李良嗣獻滅**燕**之策。曰。女直恨**遼**入骨。而天祚荒淫。若自登萊結好。女直**遼**可圖也。童貫大奇之。遣使渡海約**金**攻**遼**。及**遼**亡。旋為**金**人所欺。**靖康**二年。大舉入寇。擄帝北行。壽五十四。在位二十五年。傳位於太子恒。是為欽宗。

宋欽宗皇帝

丙午帝即位。尊父為太上皇。改元**靖康**。二年**金**人粘

沒喝。幹離不。分道南侵。**宋**師在河南者。無一人敢拒。議括都城金銀。割太原三鎮請和。**金**兵暫退。上下恬狀。太上皇南奔。亦還至京師。**金**乘勝大舉。京城遂陷。帝兩至**金**營。奉表請降。**金**立**宋**臣張邦昌為楚帝。逼帝與太上皇帝。太上皇后。并親王皇孫。駙馬公主妃嬪。及康王母韋賢妃。夫人邢氏等北去。百官遙辭於南薰門。眾慟哭。有仆絕者。**金**封太上為昏德公。帝為重昏侯。太上殂於五國城。金亮南侵。縱馬踏帝。世宗葬於鞏洛之原。用一品禮。

南宋紀

宋高宗皇帝

帝名構始封康王徽宗第九子也初至金營得歸
 詔為河北兵馬大元帥開府相州二帝北行張邦
 昌奉元祐皇后聽政王即位於應天府今歸德府元祐
 皇后於是日東京撤簾即於靖康二年丁未改元
 建炎四年紹興三十年遙上靖康帝尊號為淵聖皇帝
 帝為金人所懾僅能中興又為黃潛善汪伯彥所
 誤力主南幸而中原不可為矣初如揚州金兵入

天長軍帝即被甲渡江駐驛杭州扈從苗傅劉正
 彥作亂尋討平之升為臨安府金人入犯兀朮追
 帝於明州帝遂航海金乃立劉豫為齊帝當此之
 時幸有大將張韓劉岳等屢挫金師金人不敢再
 渡江得保江東一隅焉帝性本畏懦而秦檜講和
 之說又有以中之雖享國日久卒不能恢復尺寸
 之地稱臣奉貢忘親事讎為天下笑立普安郡王
 瑗為皇太子更名瑋瑋太祖六世孫秀王偁之子
 也育於宮中已三十年天資英敏未嘗經意聲色

傳錄金
紹興三十二年遜位退居德壽宮至淳熙十四年
崩壽八十一太子瑋卽位是爲孝宗

宋孝宗皇帝

帝性仁孝時朝上皇於德壽宮色養備至及崩致
喪三年又銳意恢復值金主仁恕亦無可乘之釁
魏杞還自金始正敵國禮南北俱得休息矣大儒
朱熹發明濂洛之學不得大用而僞學之謗復起
癸未改元隆興二年乾道九年淳熙十六年
共在位二十七年傳位於太子惇退居重華宮尊帝爲壽聖皇

帝壽六十八至紹熙五年崩太子惇卽位是爲光
宗

宋光宗皇帝

帝爲孝宗第三子庚戌改元紹熙五年遭李后悍妬
陰爲禁制不朝壽皇大臣留正等屢諫不納至孝
宗崩喪不執禮趙汝愚謀欲以太皇太后旨禪位
於嘉王擴會帝臨朝忽仆於地內禪之議益決至
慶元六年崩壽四十四太子擴受禪是爲寧宗

宋寧宗皇帝

初光宗之不成喪也。大臣憂疑，御批有歷事歲久，念欲退閑之語。趙汝愚率同列奏之，太后許可，乃共扶太子即位。丁卯改元慶元。六年嘉泰。四年開禧。三年嘉定。十七年凡在位三十年。帝柔而不明，任用韓侂胄，開邊釁，忠良放廢，正學屏斥。蒙古起於北方，金勢日蹙，而宋之和好遂絕。壽五十七。初立沂王嗣子貴和為皇子，更名竑，別立貴誠為沂王後。竑與宰相史彌遠有隙，帝崩，以廢立事白后，后不可。一夜七往返，乃宣沂王嗣子貴誠入，更名昀，后拊其背曰：汝今為吾子矣。封竑為濟王。昀蓋太祖十世孫榮王希璪之子，是為理宗。

宋理宗皇帝

乙酉改元寶慶。三年紹定。六年端平。三年嘉熙。四年淳佑。二十

年寶佑。六年開慶。一年景定。五年共在位四十年。帝之立

也。在朝君子小人互為消長。德史彌遠立已終身

恩寵不衰。元遣使議同伐金。許以河南地歸宋。金

亡。西夏亦亡。元威震海內。遂背割地之約。帝得沒

身無患。幸矣。朕以無罪殺濟王。天下寃之。壽六十

二無嗣立其姪禛爲皇太子卽位是爲度宗。

宋度宗皇帝

乙丑改元咸淳年十賈似道專政喪師失地殆無虛日而蒙蔽不聞專事粉飾天怒人怨以至於亡壽三十五崩次子焜卽位是爲恭宗。

宋恭宗皇帝

乙亥改元德佑年二帝甫四歲謝太后臨朝時元兵追迫郡縣望風降附在位二年爲元將伯顏執帝與太后北去封瀛國公卽使伊周當國懼不克濟。

况妬賢嫉能挑釁失機之賈似道哉賴楊淑妃與其弟楊亮節負度宗長子益王昀幼子廣王昀航海至福州陳宜中張世傑等奉昀立之是爲端宗。

昀音是

按國初權衡庚申帝大事記云宋江南歸附瀛國公入都自願爲僧白塔寺中已而奉詔居其州山寺有趙王者憐國公老且孤贈以回回女子延祐七年四月十六夜生一男子明宗適自北方來早行見寺上龍文五采氣訪之乃國公所居也問之

傳錄金
曰。子室中有異寶乎。對曰。無有。今早五更產一男子。明宗大喜。乃求爲子。并其母載以歸。卽庚申帝也。庚申帝者。記者之微詞。卽元順帝也。程克勤宋遺民錄。載瀛國公事。以閩人余應詩。及袁忠徹記爲徵。椒丘何喬新注。余詩最詳。參諸家之說。可知其說不妄。

宋端宗皇帝

丙子五月。改元景炎。三年舟居無定。爲元兵所迫。崩於嶺南之礪州。年十二歲。又立其弟昺。是爲帝昺。

宋帝昺

戊寅五月。改元祥興。二年卽位於礪州舟次。又遷於崖山。己卯二月。元將張弘範襲崖山。宋師大潰。陸秀夫負帝同溺海中。

宋亡

○北宋自太祖庚申起。至欽宗丁未止。共九帝。一百六十七年。南宋自高宗丁未起。至帝昺己卯止。共九帝。一百五十二年。

○自太祖庚申起。至帝昺己卯止。共十八帝。合三

百二十年

附紀遼金夏三國

遼

太祖

名億字阿保機

太宗

名德光字德謹小字堯骨

世宗

名阮小字兀欲

穆宗

名璟小字述律

景宗

名賢

聖宗

名隆緒小字文殊奴

興宗

名宗真字夷不董

道宗

名洪基字涅鄰

天祚

名延禧字延

西遼

德宗

名大石

感天后

蕭氏名塔兀烟

仁宗

名夷列

承天

后

耶律氏仁宗妹

直魯古

遼太祖姓耶律氏名億本契丹部落五胡鮮卑之

後因為慕容晃所破竄於松漠之間歷元魏隋唐

其族滋蔓至唐天復元年契丹主痕德董可汗立

以耶律億為本部奚离董得專征伐數與劉仁恭

相攻痕德董可汗死羣下立耶律億為帝仍國號

曰契丹時五代梁太祖開平元年也建元神冊年十

天贊年九在位十九年壽五十歲第二子德光嗣立

是為太宗改元天顯年十會同年十大同年一因後晉石

敬塘與後唐主從珂有隙求援乃傾國入寇冊敬

塘為晉帝。晉稱臣。割幽薊十六州以賂之。稱契丹主為父皇帝。遂入汴。御崇元殿。歸順者凡七十六郡。在位二十一年。壽四十六。其姪阮嗣位。是為世宗。改元天祿。在位五年。為其臣察割所弒。世宗長子璟嗣位。是為穆宗。改元應曆。在位十九年。壽三十九歲。改國號曰遼。出獵。飲酒醉。為近侍小哥庖人辛古等所弒。世宗第二子賢嗣位。是為景宗。時宋已代周。為太祖。開寶二年矣。改元保寧。十年。乾亨四年。在位十四年。壽三十五歲。長子隆緒嗣位。是為

聖宗。復國號為契丹。改元統和。二十年。開泰九年。太平十一年。在位四十九年。壽六十一歲。時宋仁宗天聖九年也。長子宗真嗣位。是為興宗。改元景福。一年。興宗二年。重熙二十一年。在位二十四年。壽四十歲。長子洪基嗣位。是為道宗。改元清寧。十年。咸雍十年。國號仍曰遼。改元太康。十年。太安十年。壽隆七年。在位四十七年。壽七十歲。其孫延禧嗣位。是為天祚帝。改元乾統。十年。天慶七年。時金太祖阿骨打已建國。宋徽欽為金所迫。北入沙漠。遼主亦甚式微。又改元保大。四年。在位

二十四年金粘沒喝襲遼主行營遼主出走至應州城東六里為金人完顏婁室等所獲亡歸復位旋即渡河奔夏西遼封為湘陰王

○遼自律耶億起唐昭宗天佑丁卯至耶律延禧止宋徽宗宣和乙巳歷唐五代宋凡九主共二百十九年亡

西遼

遼自天祚出走夾山有興宗玄孫淳為留守封晉王羣臣引靈武故事立為帝都燕京改元天福年一

以燕雲平上京中京遼西六路自主之沙漠以北及南北路兩都招討府諸番部落等仍隸天祚自此遼國分矣未幾晉王病死遺命立秦王定普賢德妃為太后稱制改元德興年一時金兵猝至德妃奔見天祚天祚怒其擅立竟為所誅及天祚勢益窮困後又渡河奔夏羣臣共立耶律雅里為主即天祚第二子也改元神曆年一因出獵致疾而卒以上俱本史其族有耶律太石者向為大臣見國勢傾危天祚蒙塵遂率鐵騎宵遁北行過黑水自立為帝

是為西遼德宗改元延慶年十時宋徽宗宣和七年

乙巳也二十四部夷王茶赤刺等俱為其統領又

改康國年十建都虎思幹耳朶在位二十年子夷列

即位是為仁宗因夷列冲年母蕭氏權國號感天

太后改元咸清年六紹興年十二共在位十八年以子

幼遺命以妹普速完權國號承天后改元崇福在

位十四年仁宗次子直魯古嗣位改元天禧在位

三十四年因出獵為蠻王屈出律以伏兵八千擒

之而據其位宋孝宗乾道四年西遼亡西遼雖云建國俱在

沙漠之地因綴遼國始末故并詳誌

○晉王耶律淳秦王耶律定耶律雅里俱在天祚

帝乙巳歲至大石始為西遼主凡三主二女主

共八十三年

○自太祖耶律億起唐昭宗天佑丁卯至西遼直

魯古止宋寧宗嘉泰辛酉凡十二主二女主共

三百零二年

真

景宗名元昊

毅宗名諒祚

惠宗名秉常

崇宗名乾順

仁宗 名仁 孝

桓宗 名純 佑

襄宗 名讓 安全

神宗 名遵 頊

獻宗 名德 旺

南平王 名 覲

夏李元昊本拓跋氏其先世於唐貞觀中有拓跋

思敬者入居銀夏為夏州節度使賜姓李傳思諫

彝昌仁福彝超彝興光睿繼筠繼捧自思敬以來

未嘗親朝中國太平興國七年繼捧始率族入朝

獻銀夏綏宥四州賜姓名趙保忠弟繼遷與其黨

叛走地斤澤招誘戎人大為邊患復以繼捧為定

難軍節度使鎮夏州繼遷請降遂賜姓名趙保吉

狀實無降心也真宗咸平四年保吉反攻陷靈州

以為西平府居之子德明請降封西平王賜賚甚

厚德明死子元昊嗣初元昊數諫其父勿臣宋既

襲封自號嵬名吾祖後更名曩霄據興州盡有河

南河西河外三十二州之地遂稱帝是為景宗國

號曰夏改元顯道二年開運改旋廣運三年大慶六年天授

禮法延祚六年初元昊生子甯令哥特愛之以為太

子既而欲為甯令哥納沒移氏為妻見其美自取

之甯令哥憤殺元昊不死劓其鼻而去元昊因鼻

創死在位十七年壽四十六歲長子諒祚嗣位是為毅宗冲年母族訛麗氏專政以三大將分治其

國改元延嗣寧國年一天佑垂聖年三福聖承道年四禪

郁年六拱化年六在位二十年壽三十五歲長子秉常

嗣位是為惠宗改元乾道年五天賜禮盛國慶年五大

安年十在位二十年壽三十六歲長子乾順嗣位是

為崇宗改元天安禮定年一天儀治平年四天佑民安

年八永安年三貞觀年十三雍寧年五元德年八正德年八大德

年五在位五十四年壽五十五歲時宋徽欽二帝北

行高宗即位於建康之日也子仁孝嗣位是為仁

宗改元大慶年六人慶年四天盛年二十乾佑年二十在位

五十五年壽七十歲子純佑嗣位是為桓宗改元

天慶年十三是時西遼已亡矣在位十三年乾順之

孫名讓安全者廢其主純佑而自立是為襄宗改

元應天年五皇建年一在位六年無子其族屬遵頊嗣

位是為神宗改元光定在位十三年壽六十四歲

子德旺嗣位是為獻宗改元乾定在位四年元太

祖兵至城邑俱望風降抑鬱以死弟之子覲立是

爲南平王。在位二年。**元**兵滅**夏**。執**夏**主**覲**以歸。

夏自元昊起。**宋**仁宗**明道**二年癸酉。至南平王

覲止。**宋**理宗**寶慶**元年乙酉。凡十六主。共一百

八十七年。**夏**亡。

金

太祖名旻本名阿骨打

太宗名晟本名吳乞買

熙宗名亶本名合刺

廢帝名亮

世宗名雍本名烏祿

章宗名璟

衛紹王名允濟

宣宗名珣

哀宗名守緒

末帝名承麟

金太祖。姓完顏。名阿骨打。本女直部落也。世事**遼**

國。恪修職貢。於**宋**徽宗**政和**三年。**遼**節度使烏雅

東死。竟襲其位。尋遂稱帝。更名旻。國號曰**金**。建元

收國。二年**天輔**。六年始與**宋**議夾攻**遼**。遣將粘沒喝襲

遼主。天祚奔夾山。盡有其地。舊傳女直兵滿萬。則

無敵。是時適滿萬矣。在位八年。壽五十六歲。其弟

吳乞買嗣位。更名晟。是爲太宗。改元**天會**。使粘沒

喝與幹離不分道寇**宋**。擄徽欽二帝北行。自是**金**

兵所至。郡縣望風迎降。在位十二年。太祖嫡孫合

剌嗣位。更名亶。是爲熙宗。改元**天會**。三年**天眷**。三年**皇**

統年八在位十四年。壽三十一歲。其弟完顏亮弑之。

而自立。是為廢帝。改元**天德**年四**貞元**年三**正隆**年五在

位十二年。荒淫不德。天怒民怨。金人先立曹國公

烏祿於遼陽。下詔暴亮之罪。廢為海陵郡王。烏祿

遂襲帝位。更名雍。是為世宗。改元**大定**。在位二十

九年。壽六十七歲。其弟璟嗣位。是為章帝。改元**明**

昌年六**成安**年五**太和**年八在位十九年。壽四十一歲。世

宗第七子允濟嗣位。是為衛紹王。改元**大安**年三**崇**

慶年一**至寧**年一在位五年。為其臣胡沙虎所弑。而立

昇王珣。是為宣宗。改元**貞祐**年四**興定**年六**元光**年二在

位十二年。第三子守緒嗣位。是為哀宗。改元**正大**

年七**天興**年三在位十年。為**元**兵所迫。縊於幽蘭軒。其

子承麟嗣位。是為末帝。哭奠未畢。城潰。為**元**兵所

害。時**宋**理宗**端平**元年甲午也。**元**人俘其后妃。及

諸王公子。最為慘烈。史稱不減於徽欽北去之時。

謂天道好還云。

○自完顏阿骨打起**宋**徽宗**政和**乙未。至末帝麟。

止**宋**理宗**端平**甲午。凡十主。共一百二十年。**金**

亡

元紀

元世祖皇帝

元起朔方。在唐為靺鞨。為韃靼。在宋為蒙古。太祖
 姓奇渥溫氏。名鐵木真。於宋寧宗開禧二年。即位
 於斡難河。用兵如神。任木華黎為將。滅國四十。威
 震海內。建元法天啓運聖武。在位二十二年。壽六
 十六歲。傳位於第三子窩濶台。是為太宗。約宋滅
金。國勢愈昌。在位十三年。六皇后禿里吉納治國

五年。長子貴由即位。是為定宗。在位二年。崩於胡
 眉斜陽。皇太后復治國四年。太祖第四子拖雷之
 長子蒙哥即位。是為憲宗。平大理安南高麗回鶻
 諸國。在位九年。崩於釣魚山。諸王阿里不哥。僭號
 於和林。世祖立。自將討平之。世祖名忽必烈。憲宗
 之弟也。即位十九年。滅宋。始承正統。混一海內。建
 元中統。年四已卯。改至元。年三十共在位三十五年。得
 統者十六年。帝自平宋之後。雄心未息。征交趾。搗
日本。伐占城。三代以來。土地之廣。無如元者。始用

海運窮河源行鈔法進任儒臣尊賢納諫號為天
授不虛矣居上都即今宣府後建國大都即今順天府壽八
十歲崩太子真金之子鐵木耳嗣位是為成宗

元成宗皇帝

乙未改元元貞二年大德十一年共在位十三年壽四

十二歲帝承混一之業垂拱而治雖四方多事猶
能守成世祖次子答刺麻八剌之子海山嗣位是
為武宗

元武宗皇帝

戊申改元至大在位五年壽三十一歲其弟愛育
黎拔力八達自懷州入燕誅安西王之黨以功立
為太子帝崩遂即位是為仁宗

元仁宗皇帝

壬子改元皇慶二年延佑七年在位九年子碩德八剌

嗣位是為英宗

元英宗皇帝

辛酉改元至治在位三年為御史大夫鐵木等弑
於行幄年二十二歲其叔晉王也孫鐵木兒入繼

大統是為泰定帝。

元泰定帝

甲申改元泰定。四年致和。一年在位五年崩於上都無謚。倒刺沙立皇太子和世琜即位是為明宗。

元明宗皇帝

初封周王出鎮雲南泰定帝崩燕帖木兒等先立其弟圖帖睦爾即位即文宗也。圖帖睦爾遣使迎帝即位於和寧之北遂立圖帖睦爾為太子未幾帝宴皇太子及諸王帝忽暴崩蓋遇毒也在位半

年壽三十歲不聞改元圖帖睦爾復登大位是為文宗。

元文宗皇帝

乙巳改元天曆。二年至順。三年在位五年壽二十九歲。

大漸時召皇后太子大臣曰晃忽義之事朕平生大錯我死迎妥歡帖木兒立之庶可見明宗於地下。晃忽義者明宗自北方來飲毒之地也燕帖木兒不可立次子懿璘質班是為寧宗。

元寧宗皇帝

卽位不踰月而崩。不及改元。明宗長子妥歡帖睦爾嗣位。是爲順帝。

元順帝

癸酉改元**元統**。二年**至元**。六年**至正**。二十八年共在位三十

六年。相傳**宋**瀛國公之後。詳見前記。時**元**綱不振。羣盜蜂起。帝迎西番僧。行運氣之術。教宮女作天魔之舞。致天下爭相割據者。垂二十年。會**大明**兵入京城。遂走應昌府。後一年殂。高皇帝以其知順天命而避去。特追謚廟號順帝。**元亡**

○自太祖丙寅至順帝戊申。凡十四主。一女主。共一百六十五年。

○自世祖滅**宋**已卯起。至順帝戊申止。凡十主。共九十二年内。去**洪武**三年。實八十九年。

附**元**末僭號五處

宋

韓林兒者。其父韓山童。以白蓮會燒香惑衆。詭言

宋徽宗八世孫。於**至正**辛卯。與潁州妖人劉福通謀反。山童爲縣官所擒。林兒遂逃匿武安。福通復

併力破穎州據朱臯攻破羅真陽武葉縣等處衆
 至十萬乙未二月迎韓林兒至立以為帝號小明
 王建都亳州國號曰宋改元龍鳳自亳徙安豐又
 自安豐徙滁為張士誠所困其勢日蹙高皇帝
 之初起也奉龍鳳年號承制行事則小明王者實
 為大明之先驅僭位十六年林兒卒於瓜步其
 衆遂散劉福通亦為張士誠所殺宋亡
 按通鑑博論記丙午年事云是歲德慶侯廖永忠
 沉韓林兒於瓜步高皇帝惡永忠之不義賜死

天完

徐壽輝一名真蘄州羅田縣人妖術聚衆以紅巾
 裹頭為號於至正辛卯起兵攻陷蘄水縣暨黃州
 諸郡據蘄水為都國號曰天完遂稱帝改元治平
 又陷南康路岳州房州歸州袁瑞饒徽信等處僭
 位十年為其將陳友諒所襲遂并其軍尋弒之按
 是時首發大難為亡元之陳涉者徐與韓也似不
 應以羣盜相目至正二十年天完亡

漢

陳友諒。沔陽漁人子。嘗爲縣令。不樂。會天完徐壽輝起兵。慨狀往從之。後乘釁以江州爲都。自稱漢王。迎其主壽輝居之。入城。襲殺其部屬。迨至正二十年。庚子。弑壽輝。自稱漢皇帝。改元天定。天啓大義。江西諸路。俱受節制。僭位四年。與高皇帝相拒。大戰於鄱陽湖。御舟膠淺。張定邊奮前直犯。常遇春射中定邊。得脫。當是時。兩軍殊死戰。友諒敗。中流矢死。其子理走武昌。自立。改元德壽。我師進圍之。陳理帥其屬詣軍門請降。至正二十五年。漢

亡。

夏

明玉珍。隨州人。亦爲天完徐壽輝之將。於至正十七年。據成都。二十二年。玉珍僭稱帝。國號曰夏。改元天統。僭號五年。卒。子昇嗣立。其母彭氏同聽政。改元開熙。遣使聘於大明。共僭號十年。明將湯和廖永忠等。進師克之。明昇面縛銜璧。與母彭氏奉表詣軍門請降。洪武四年辛亥。夏亡。

周

張士誠泰州白駒場亭人。以販私鹽爲網司牙僧。於[至正]十三年癸巳。與其弟士德。士信。舉兵據高郵。自稱誠王。國號曰周。[至]十七年。[大明]將徐達等克常州。士誠遂遣使降於[元]。[元]命爲太尉。尋又背[元]。自稱吳王。毘陵姑蘇等郡俱受其節制。改元[天祐]。[至]二十七年九月。[大明]兵克姑蘇。徐達常遇春等執士誠送建康。舟中不食。亦不言。數日自縊死。士誠雖起市販。能招致名士。愛恤百姓。負固不臣。三年拒戰。而吳民久而思之。高皇帝命以

禮葬焉。[至正]二十七年丁未周亡。

○[宋]天完漢夏周五處割據。惟漢周最盛。亦惟漢

[周]與[明]爲敵。漢周旣滅。一統之勢成矣。此外

又有浙東方國珍。福建陳友定。遼陽劉益。廣州何真。山東田豐。毛貴。蕭縣李二。汴洛左君弼。山西趙擴。廓攻陷上都。關先生劉二。王士誠。陷興元。鳳翔等處。白不信。大刀敖。李喜喜。寇沅州。武崗。吳天保。陷荆門。俞君正。陷建昌路。鄧忠等。皆同時據地。查無國號。故不置詳。

